

I. N. 3.

7. 19

DISSERTATIO PHILOSOPHICA,

De

TERMINIS METAPHYSICIS,

Quam

Suffragio Ampl. Phil. ad auram Cho-
ri, in inclyto Fennorum Lyceo,

MODERANTE

VIRO PRÆCLARISSIMO

DN. GABRIEL
JUSLENIO,

Log. & Metaph. Prof. Ord.

*Pro indipiscendis Honoribus in Philo-
sophiâ Summis,*

Loco horisq; sveris, d. 5 Maji A. 1706.

Publicæ bonorum censura defert

JOHANNES CH. WALSTENIUS,
Bor: Fennus.

Exc. Jo. WAL.

SACRÆ REGIÆ

Magnæ &

Fi

VI

PERILLUSTRI ac GENEROSISSIMO
DOMINO,

DN. JOHANNI
LILJENSTEDT,

REGII

Tribunalis Wismariensis

VICE-PRÆSIDI

Amplissimo,

MÆCENATI

Maximo

&

Benignissimo

Submisse perpetui suspicioendo.

SERAM IMMOR

MAJESTATIS

Spectatæ

dei.

RIS

GENERO SO ac NOBILISSIMO
DOMINO,

DN. ERICO
LOSCHIÖLD,

REGII Dicasterii.
Magni Ducatus Fenniæ
ASSESSORI
Gravissimo.

PATRONO,
longe
Optimo &
Propensissimo
Humilime semper colendo.

TALITATEM!

Vereor certè, ut Oculis
VESTRIS, GENERO-
SISSIME VICE-PRÆ-
SES ac ASSESSOR
NOBILISSIME, ob-
versari ausim; pavet animus, ne
nimia procacitatis ac proterviæ
stigmate notetur, qui exiles hosce in-
genii fœtus Tantorum in conspectu
VIRORUM exponere sustineat. Ex-
posuit tamen sublevatus eretusque
spe nixâ in **VOBIS**. Fretus insigni
VESTRA in Musarum Cultores Be-
nivolentia & Humanitate ad Limen
VESTRUM rudem hanc ac informem
haud veritus est deponere opellam.
Accipiatis ergo placidè, supplex
sumè desiderat, **VOS**, quorum maxi-
mè desiderat favorem; Oculis aspiciatis
beni-

benignis VOS, Quos Charactere bonitatis ac clementiae splendidos esse voluit summus Arbiter. Adhæc obtestatur, mente excipiat is ferenâ devota nuncupantem vota, ut Sospites vivatis, vigeatis, floreatis in MAGNI REGIS, PATRIÆ, VESTRORUMQUE usum, emolumentum, gaudium; & quod perpetuò daret, O DEUS, da precibus ejus, qui permanet!

PERILLUST. Dn. VICE-PRÆSES
&
ASSESSOR NOBILISSIME
GENEROS. NOMINUM VESTRORUM

devotissimus cultor
Joh: WALSTENIUS.

**NOBILISSIMO, Adm. Reverendis, Cla
Do
PATRONIS, PARENTI,
& Faven**

**Dn. JOHANNI
WALLENSTEEN,**

Halikoënsium & Pijckensium Ju-
dici Territoriali Aeqvissimo, Pa-
truo & Mæcenati summo reve-
rentiæ zelo semper deve-
nerando.

**Dn. M. HAQVINO
PIHLMANN,**

Pastori Ecclesiæ Wirmoënsis du-
dum meritissimo, Ecclesiarum
vicinarum Præposito accuratissi-
mo, Patrono summâ animi sub-
missione indefinenter pro-
seqvendo.

ritate & doctrina maxime Conspicuis
MINIS,
FAUTORIBUS summè Bonis
tissimis,
DN. M. CHRISTIANO
WALSTENIO,
Pastori in Wehmo longe dignissimo,
districtus adjacentis Præposito gra-
vissimo, Parenti ut benignissimo, ita
filialibus obseqviis piè perpetim
suspiciendo.

DN. M. ANDREÆ
BERGIO,
Præposito & Pastori in Tössala vi-
gilantissimo, sanguinis conjunctio-
ne & benevolentia devinctissimo,
Evergetæ qvibusvis obseqviis ad
extremum vitæ halitum
demerendo.

Summum VESTRA PATRONI etatem deve-
nerandi, TUA præsertim GENITOR, sub-
missæ semper sufficiende benignitas, Favor,
cura, ab ephebis in me collata vehementer ex-
poscit; si modo ingratitudinis extreme repre-
hensionem evitare malim, quod facere firmit-
ter proposui, ut eam tandem animum meum
erga VOS gratissimum declaratum, ac hosce
ausus VOBIS Sacratos velim; non nescius,
nil esse, consideratione beneficiorum grandium
in me VESTRORUM, ac TUORUM præcipue
PARENTS CARISSIME, cù tamen, qua par est,
animi submissione Vos humilime rogatos ve-
lim, hoc rudimentum conatum meorum, in
pignus submissæ solum mentis oblatum, placi-
da faciei temperie suscipere haud dedignemini;
nec non pro incolumitate VESTRA, in magnum
multorum commodum, suspiriis largis DEUM
Solicitanti perpetuo favere!

VOBIS ad obsequia

paratissimo

Joh: Walstenio.



AUSPICE DEO !
MEMBRUM PRIUS.

§. I.

VERO, CONCINNO succinatoe,
rerum, concepitionis ac ver-
borum ad se invicem
ordine, via facile pandi-
tur ad solidum quodvis
cognoscendum. Nam res, ceu norma
& basis, tales in se & suâ sunt naturâ,
quales in ipso creationis momento vo-
luit esse divina Bonitas, ac postmodum
constanter permanere. Porro, si quid-
quam est in homine, quod nomine ru-
derum imaginis divinæ veniat, certè
esse liquet id in intellectu, quô res per
senius ad se delatas, ac coram quasi re-
præsentatas perpendit, præcisive nempe,
haud secus, quam arbitratur eas ipsas
congruere cum intellectu Divino, sive

A

cogno.

cognoscente, sive insimul mensurante; deinceps quædam velut *semina rerum* consipit, unde *conceptus*, inquit Auriv: Prof: quondam Upsal: qui rebus correspondet, licet non quoad strictam *adequationem*, attamen veritatem certam, quod docet D. Calov: ac intendit Auriv: hisce verbis; debet exacta esse convenientia, si non ratione strictæ cujusdam *adequationis*, attamen veritatis certæ inter cognitionem rei & rem ipsam; ita ut illa rei, non res illi undecunque basia, debeat conformari: adeoque sic res mensura *conceptus*. Voces denique quod attinet; à Viris facundis ac disertis fingebantur, ab intellectu rebus, ut signentur, appropriatæ, prout eas illis convenire apprehendit, atque ita vocum norma *conceptus*. Verum, cum infinite sint quasi res, annuente Schart: denturque *conceptus universalissimi*, qui Eloquium Romanum, quatenus nobis cognitum, crebro vocum commode exprimentium arguant penuriæ, haud raro novæ fure excogitandæ, non temerè tamen & insulæ, sed ex suis fontibus deducendæ,

quæ

quæ *Terminorum* apud Nostrates nomine venire sivevere, nec incongruè, cum res hisce adhibitis commode exponatur, definiatur, conceptusve velut circumscribatur. De hisce, præsertim *Metaphysicis*, cum reliquarum scientiarum *Terminis* antecellant, ob usum præcipue, qui est eorum in naturâ rerum prolsus singularis, dum verba fusiis differendo fecero, sinistro absis judicio B. L.

§. II.

Eruditorum moris tenax ut sim, ad nomenclaturam harum vocum nempe *Termini* & *Metaphysicæ* evolvendam invitati me faciam à Scalig: apud Schart: qui ait *maximam subtilitatis partem in libris sapientum esse Oeconomiam*. Quod commodè fatis fiet, opinor, si indigitavero vocem *Termini* natales debere, omissis minus consonis, Græcæ voculæ έρμη, terminus, hoc verò à verbo, πίω, vexo, affigo, subjugo, &c. aut τέλος, delecto, exhilaro, mulclo, &c. Quippe *Termini* primò vexare quasi & affligere

videntur rationem; subjugati deinceps,
 vel rectius intellecti, eandem expoliunt,
 informant, exhilarant, permulcent, de-
 lectant. Ne *Quæcumque* sive varia vocis ac-
 ceptio nobis illudat, ac in errorum sen-
 tinam præcipites detrudat, expediet no-
 tales accipi, (α) pro limite quovis qui
 agrum ab agro distingvit, (β) per me-
 taphoram pro quovis fine, ut apud Ci-
 ceronem de orat: *Nullis Terminis circum-*
scribere aut definire jus suum. (γ) Apud
Antiquos, pro DEO, in cuius tutela fi-
 nes agrorum esse existimabant, unde e-
 stiam sub aperto colebatur, propterea, quod ne-
 fas putabatur, Terminum sub tecto consistere:
 dicit Festus cit: Calep: (δ) æquipollere
 Enti; penes Calov: p. 217. cum respectu
 saltem ad cognitionem nostram; que in-
 cipit ab accidentibus & terminatur in ef-
 fentia: (ϵ) Pro voce technicâ, sive
 notione secunda, quæ significatio heic
 loci ut genuina arridet. Synonymorum
 verò disquisitione supersedere, cum per-
 pauca aut nulla, nullius adhæc momenti,
 esse possint, sader studium brevitaris

§. III.

Vocem *Methaphysices*, quod attinet⁹ genus dicit à Græco μετὰ & φυσικὴ ex quibus vi significationis primariâ ac propriâ, elicitor verbum *transnaturalis*, *postnaturalis*; non quod dignitate & naturâ, ut perspicuum, aliis sit inferior Scientiis, verum ratione inventionis & modo considerandi iis cedat, nempe quod post cæteras in lucem redacta sit, & innuat, ultimò, ob modum cognoscendi difficultem, in usum introducendam esse; nec non Tirones notitia minus abstrusarum & abstractarum imbutos hujus postmodum esse imbuendos; uti commode ex hoc dicto Scharff: colligi potest: *Non enim facile docentur vel demonstrantur Metaphysicalia, nisi discipulus aliquis verum physicarum cognitione imbutus sit: quia enim in rebus abstractissimis est à sensu remotissimis occupata est disciplina. Transnaturalis audit, propterea, quod in sublimiore gradu & ordine consistat, statim ve rerum naturalium longe transcendat,*

unde *Transcendentalis* quoque nuncupari
sivevit. *Aequivocationis* indagine cessare
jubemur, cum nuspia fere se obviam
præbear. *Synonyma* verò pauca recen-
sere placebit *Metaphysicæ*. Salutatur e-
nīm (α) *Hyperphysica* apud Scharff: ob
dignitatem suam ac excellentiam. (β)
Philosophia prima ab Aristotele, quia
agit de primo scibili, seu de Ente uni-
versalissime accepto. (γ) Ὀντολογία à
Calov: reliqua B: L: apud Authores de-
prehendet, quos videat, cui volupe.

S. IV.

Instituti ulterius requirit ratio, ut ho-
rum nempe *Terminorum* Authorem
primum indagemus. In eo dispiciendo,
dum occupati tenemur, deprehendimus
Jehovæ universi Conditori primas de-
beri, cum agnoscamus ipsum sapientiæ
capacem condidisse mortalem, eiique
desiderium indidisse Naturale circa su-
blimia quævis versari, nec non indolem
concessisse præacutam, qua causas re-
rum naturalium summas indagari ac
veri-

veritatem cognoscere queat. Proximas autem sibi venditasse partes Philosophos eruditione conspicuos fatemur. Inter eos eminuit præsertim Aristoteles, quem Alexandro Magno Imperii tenente talces, vitam transtegisse tradunt annales. Vir multo præclarus ingenio, cui dispalefecit in hoc, quod quatuordecim volumina ediderit Metaphysica, quorum in ordine quartum leorsim *Termionum* universalissimorum naturæ considerationem absolvit, quos runc decies quatuor fuisse refert D:Calov: Hic namque primus, *οδηγὸς* agnoscitur per ardua quævis atque spinosa, licet nonnunquam in diversa à vero iveris, quod nec mirari subit, quandoquidem homo erat, & *humanum est errare*, nec divinarum arque Mysticarum notitiâ imbutus. Hunc Philosophi secuti alii, hujus scripta sibi redidere nota; peculiari autem modo illi, quos Scholasticos, ob subtilitates quas venati sint inutiles, volunt nuncupatos.

MEMBRUM ROSTERIUS.

§. I.

Ut inoffenso pede in ubiorem propositi thermatis diductionem progressi liceat, conductit in antecellum ritè, breviter ac perspicuè explorasse, num horum, nempe *Terminorum*, inventio vitiis & aliquatenus debeatur origini, nec non suspicionem istam amovisse. Quod factui, fatemur contrariam opinionem esse infallibilem, indeq; nos non solū posse arguere istam priorē fallo laborare principio, sed & auctoritatem aliquā divinam *Terminis* assignare, ceu inclarescit; Cum primum & perfectissimum in unoquoque genere sū mensura reliquorum, & cui largiatur esse, eidem quoque perfici det ac operari. Si huic effato refragari nullus queat, quod latendum est, sequitur hos *Terminos* mero dictaminis mentis inquinatæ, haud esse adscribendos, sed inter dona insignia divinitus concessa referendos. Nam quemadmodum

dum DEUS dedit esse menti humanae,
 ita quoque concurrit ad omne bonum
 opus a mente productum; quod docet
 Divus Jacob in Epist. sua. c. i. v. 17.
 πᾶν δοσις ἀγαθή, ηγ̄ πᾶν δώρημα πλείου
 ἀγωθέν εστί, καταβάνον δόντε τῷ πατρὶς τῷ
 φύτων. I. e. omne datum bonum, omne do-
 num perfectum, desursum est, descendens a
 Patre Luminum: E: etiam ad esse Ter-
 minorum, quos existere bonos perinde li-
 quer: Quicquid est, aut a se ipso est, aut
 ab alio: nil finitum est a seipso, E. ab a-
 lio, eoque aut bono, aut malo: non a
 malo; quia boni aut rei alicujus maxi-
 mè necessariæ origo sive causa esse non
 potest: E. a bono; bonos autem esse
 terminos & res summoperé necessarias
 probo adhuc exinde; quod inferviant
Mysteriis Scriptura Sacra interpretandis,
articulis fidei propugnandis, &c. liqui-
 duumve fiet in sequentibus, & cuivis
 periclitanti adhuc evidentius. Præterea
 intrepidè adstrui potest assertio hæc;
 cum, quod Lumen naturæ in homine
 post lapsum extare voluit Benignissimus

Conditor, inter ignorantia tenebras fal-
 tem **gliscens**, adhuc paterne soveat, con-
 forteretq; quo possit Vir Ingeniosus & sa-
 gax per illud percipere ac compiere
 quid peripicaciæ Divinæ consentaneum;
 quod autem consonum est, id quoq; bo-
 nū esse profitebimur; congruos vero esse
Terminos hosce, modo paucis demonstra-
 tum ivimus. adhæc demonstrabimus ex-
 inde, quod in Sacro codice deprehen-
 duntur Christi Apostoli, præseruum di-
 vus Paulus illis usus tuus in Epistolis suis
 nempe ad Romanos, cap. 4. v. 17. **Ter-**
minus habetur Metabb; & μὴ ὄντες, οὐδὲ
 i. e. non entia, ~~as~~ entia; ad Ebraeos, cap.
 I. v. 3. χαρακτὴ τῆς ὑπόστασεως αὐτῆς i. e.
 imago personæ sive substansia ejus: cap.
 3. v. 14. ἔχεις, i. e. habitus, nec non in
 locis perplorimis aliis, quæ meam mo-
 do effugiunt tenuitatem. Robur insuper
 accedere vuln. dictis ex consideratione
 artis mechanicæ opificumque, quibus
 summus opifex suum pollicetur affla-
 tum, de quo in Pentateucho. *Elige vi-*
ros probos, inspirabo ipsis, quidquid faciu-
ri

et ratione. Multo ergo plus credere ju-
bemur, Nam non omnium bonorum iis
suo adeste instinctu, quæ in sui magis
animadvertis vergere gloriam, nec non
cum essentiali suâ sapientiâ plus quam
habere commune.

§. II.

Ut nervum penitus tangamus, institu-
ti postulat ratio, ac Terminorum in-
tueamur naturam. Hanc vero dum ri-
mari tenemur ac speculari, deprehendi-
mus ipsos Logicè definiri non posse,
quia tum requiritur conceptus latior ac
strictior, sive ut magis Philosophicè lo-
quar, verum genus & differentia, quæ
compositionem inferre videntur realem,
quam in hilce concedere non licet, cum
sint *transcendentias*, sive quod per totam
rerum naturam sele diffundant, & se nil
quidquam latius aut æquè late patens,
agnoscant. Ideoque ipsos qualiter cun-
que explicare contendemus, ac per sua
attributa seu affectiones exprimere. Nam
per eas sentimus illos, modo respectu

noſtri faciliori ſeſe nobis maniſtare. Duas autem ſibi volunt aſſignare potiſ-ſimè, *ſubtilitatem* nempe & *communia-zaem*. Quod perinde paret. Quicquid ſub alio atque alio *formali* ſele nobis cognoscendum oſtert; id facit per di-verſas formales rationes, ſive attributa, at hi *termiṇi* modo ſub conceptu *ſubi-tilitatis*, modo *communitatis* intellectui noſtro ſunt obvii, ſeu concipiimus eos aliter prout ſunt ſubtileſ, aliter ut com-munes. E: concedendum erit has iſpis eſſe affectiones. Hoc evicto, *ſubtilita-tem* priori ponimus loco, non quod in ſe ita ſit, ſed in modo cognoscendi, ac in reſpectu ad rationem noſtram priori-tas hæc iſpi debeatūr; quatenus primo horum *quidditatēm* ſeu naturam perſpi-cientis oculorum aciem conſtringat, ac ab intellectu apprehendendos cum diſfi-cultate perſtingat: Diximus in reſpectu *ad mentem noſtram*, & notanter quidem, non tamen eo ipſo intellectum volumus noſ perhibere hanc affectionem eſſe me-rum mentis opus ſive *rationis ratiō-*

nantis, ut Philos., verum ut plurimum
 habere fundamenrum in re, sive esse ra-
 tionis ratiocinatio: Quandoqvidem reali-
 ratem, qvâ modicat, habeat distinctam
 à re, quam modicat; seu magis Lat-
 ne, cum potis sit gignere conceptum di-
 stinctum à conceptu rei, cuius est affe-
 ctio; & exinde nata. Cum scilicet mens
 nostra in horum se scrutinium immitt-
 at, conspicit ipsos adeò esse subtile
 densve qvasi tenebris circumfatos, eo
 autem subtiliores, qvo magis detæcati,
 ac in Universalorem elevati Statum, ut acu-
 mine vix ingenii penetrari queant: qvod
 tamen ex suâ naturâ non sunt, sed sim-
 plicissimi, contestatur qvivis cui felici-
 ras in hisce versari contigit, men-
 temq; nostram, qvod attendendū venit,
 imbecillitatis arguant, qvæ efficit ut sub-
 tiles cernantur. Hæc propterea caligo
 mentis abigenda est, ut Subtilitas illa Spe-
 cissimū animi pabulum & mellitissimum Nectar,
 evadat. ceu inquit B. Prot: Alander, in dis-
 fert. sua grad: per media tamen, qvæ
 pie preces: Nam nunquam non conduceat

Essentialem illam lucem assiduè solici-
tare, quo velit nubes nobis circumfulas
dissipare, nec non suâ impetrare luce.
Alterum medium constat esse diligen-
tiam, quâ sudandum est; namque non si-
bi per ventos aëta columba venit, ut canit
Poëta: Nec cuivis oscitanti patet &
obeso.

§. III.

Jam ad alteram *Terminorum*, qnam dedi-
mus, affectionem breviter tenuiq; pe-
nicillo delineandam, ordo invitat sulce-
ptus: Quæ voce exprimitur *comunitatis*:
Hæc autem, cum non tam respectum
involvat ad cognitionem quam prior,
incumbit probari per usū, qvem respicit
& præstat in universâ *Philosophiæ*. nec non
Theologia singularem, ac mysteriis Sacri
Codicis, quantum dècer, enucleandis.
Quod autem hi *Termini communissimi* ad
res etiam mysticas applicari queant, li-
qvet, non per univocationem, sive uniformē
& æqualem participationem harum de
Terminis cum naturalibus, quippe si hæc
con-

concedetur, absurdā infētri possent in-
 finita ac maximē à veritate cœlesti a-
 hēta. Potest tamen id fieri analogicē, sive
 per quandam convenientiæ rationem;
 toties enim mentis sunt abstractionibus
 percolati, & à statu Fundamentalī, (uti
 hoc loco hisce Terminis nos jubet
 necessitas evidens:) per Formalem in
 Idealem, & sic deinceps in universalem
 imperfectionibus subductis, producti, ut
 nūspiam faciant quemquam dubitare,
 quin in Sacris Pandectis interpretandis,
 uscuius uti possit, modò ne nimium ipsis
 tribuere & confidere conetur, aut quod
 est de materiali alicujus rei in formale in-
 troducat, aut analogiam strictè tenere ces-
 set. Quæ duplex esse apud Gnostolog:
 statuitur, Attributionis, nempe & Propor-
 tionis. Non hæc attenditur in scrutinio
 misteriorum; nam uni ostendit propriè
 convenire sive formaliter, alteri impro-
 priè æquivoce, metaphorice sive per
 translationem. Sed prior, quæ quidem
 dicit utriusque convenientiam verè ac inæ-
 qualiter, rebus nempe Transcendentibus &

Mysticis per remotionem omnis imperfectionis, sive eminenter unde etiam analogia eminentiae & perfectionis nesciatur. Finitis autem creatis ac dependentibus predicationem aliter, formaliter tamen seu propriè.

§. IV.

Ut cœptam methodum ritè exsequamur; expediet paucis significatio, quid valeant in Theologiâ Terminis Methodis & quomodo ipsi ministrent. Hac autem commodissimè ratione id faciemus, si primo perpendamus eos prout in hoc vel illo requiri decet subiecto, quod se studio Theologiae dicavit. Ipsius vero pericitanti ingenue tateri erit in proclivi, quantas præter id, quod per Terminos conceptus licet compendiose, ingenium Erudiendi acuatur, expolietur, ac cognitione imbuatur universaliter, nec non necessariâ, ab ignorantia maxime foeda purificetur; persentientia eorum suppetias, dum in re revelata versetur, et dextrè articulos fidei explicet.

plicare teneatur. Non tamen hos vulgari-
ter cuivis necessitatem inferre, creden-
dum, quandoquidem non quoad fidu-
cialem fidei articulorum assensum exi-
gatur notitia hæc, in quo pluris com-
mendatur *Piscatoria Simplicitas quam dia-*
lectica Subtilitas, cum Spiritus Sancti pro-
ducatur ope fides & non ex viribus
pendeat humanis. Nec cunctis præco-
nibus verbi Divini ducitur necessa-
ria, sed saltem iis, qui perfectam ac
solidam dant Theologiæ operam, soli-
daque Mysteriorum divinorum gau-
dere desiderant cognitione, & cum
duváper inquit Div: Paulus ad Titum 1.
cap: v. 9. τὸς ἀνθεγόνας ἐλέγκειν ἥγε προ-
μίζειν; argutias refellere eorum qui de-
torquent Scripturas, & iniquè exponunt
dogmata de *DEO Triuno, Attributis Di-*
vinis, unione Personali &c. perplurimis;
quæ igitur prava eorum aberratio, non
alii debetur, quam perversæ eorum na-
turæ, & illius comiti individuo ignaviæ:
quod facile constat, cum sc. sibi ipsis
nimium sapere videantur, & omissâ se-
dulâ

dulâ rerum necessariarum disquisitione,
superficiariâ & aliquali notitiâ contenti,
provehantur in abscondita naturæ, ob-
fuscata tamen mente, quemadmodum
manifestè liquet ex verbis Div: Petr. in
2 Epist. cap. 3. v. 16. *καὶ οἵς διαστρέψει τὴν,
& οἱ ἀμαθεῖς καὶ μηδὲντες σφεντόν, ὡς καὶ
τοις λοιπάς γέγονται, τοὺς τὴν ἴδιαν αὐτῶν ἀπώ-
λειαν.* i. e. in quibus sunt quedam difficultia in-
tellectu, que indocti & instabiles detorquent
sicut & ceteras Scripturas ad suam ipsorum
perditionem.

§. V.

Invitari nos nunc faciamus ob robur,
quod superadditur assertioni, ad consi-
derationem Theologiae in se & suâ na-
turâ, sive formaliter acceptæ, didactice
nempe, elenctice & exegetice, horum neces-
sarió indigæ cognitione. *διδασκαλίαν* quod
attinet; utiles Hos T. non modò præ-
supponit, verum & pertinaciter ex-
poscit (omisso jam respectu ad subiectum
recipiens sive cognoscens, quod hoc ha-
bitu induitum promptius evadit, prout
osten-

ostensum thel. præcedent:) ratione obiecti
cognoscendi , quando inquam Mysteria
divinitus patefacta veniunt exponenda,
& ex iis conclusiones infallibiles, in
Theologiâ concinnè formandæ, eruuntur.
Hanc sententiam B: D. Calov: suo cal-
culo ratam fecit, dum ajebat, neque dex-
trè explicari, neque accurate probari posse.
Non explicari, cum alterutrum extremo-
rum vel utrumque Terminus est Metaph. aut
Metaphysico termino vestitum. Quales sunt,
Personæ divinae differunt realiter, Essentia à
Personâ non differt realiter Sc. ne intelligi
quidem possunt ab iis qui habitu Metaphysico
destituantur. Non probari, confirmatio enim
presupponit intelligentiam. ἐλεγξις urget
non minus Eos sibi competere ; qvod
dispalescit exinde ; cum hæreles quæ
falsis fictisque innituntur principiis, sive
per vitiosam Terminorum Metaphysicorum
applicationem acquisitis, erint redar-
guendæ, & veritas Theologica à sophisti-
cis vindicanda versutiis, ac masculè pro-
pugnanda. Cautè tamen atque sic iis
utendum monet, ne abusus fiat, & do-

minium quasi in sacratissima *Theologie* My-
steria concedatur; nam *usus* habet laudem
crimen abusus habet. εξηγήσει denique nec
minimas ferre suppetias videt quivis,
dummodo contendit ad æquam pende-
re lacentem affectiones has *Bonitatem*, *Po-
tentiam*, *Necessitatem* &c. quæ variis in
Scripturæ locis obviæ sunt. Non equi-
dem censendum Hos, pari se habe-
re ratione in *Theologiâ*, ac in respectu ad
disciplinas inferiores, sed ut medium ac
οργανον, per quod indoles in cognoscen-
do adjuvetur, ut & famulam; quâ de re
concinnè refert docetve Clariss: Scharff:
cuius hæc sunt verba. *Nos hic semper &
ubique auream mediocritatem observantes Me-
taph: ne nimium tribuamus ipsi, ut ancillam
in Theologico chore, ne parum nimis ut Do-
minam in Philosophia foro venerabimur.*

§. VI.

NON nihil fortassis adhuc lucis iis, quæ
dicta sunt, accessurum speramus, si
rationes contrarias sub incudem re-
vocemus. Quod facturi, in primâ ar-
gu-

gumentorum acie collocamus hanc,
 quam nobis protrudunt vacillantes, hunc
 in modum: Cujuſ norma (quam ra-
 tionem faciunt) eſt depravata, ſequitur
 id iſum nec non eſſe pollutum, atque
 ſic iubſumunt de T: M: dicendo eo-
 rum normam eſſe corruptam. Quod
 tamen minime ratum eſſe, hinc liquet,
 cum inficiemur rationem eſſe Horum
 normam, adſtruenteſ naturam cogno-
 ſcendam eo fungi munere, ac annua-
 mus hos prodire ex ratione, non qua-
 tenus eſt contaminata, ſed recta ſcintil-
 lulisve gaudeat reliqvarum imaginis
 divinæ. Ut autem aſſertio hæc evadat
 plus indubia; conduceſ annotaſe reli-
 quas vocis *τὸς* *Ratio* accepitiones eas-
 que potiſſimas: ſignificat autem (*α*)
 peculiarem modum probandi, in natu-
 râ extremorum fundatum & Testimo-
 nio contradiſtinctum, quod innuit tri-
 tum hoc, *non authoritate pugnandum ſed*
rationibus, quandoquidem *haec rei dubie* *fi-*
dem faciant, & principium potius eſſe
 concedatur T.M.juxta beat: Doct: Flach:

quam norma, cum scientiam gignat,
 (β) s̄epe ipsum intellectum, alteram
 nempe animæ potentiam; in quâ acce-
 ptione non inficias imus ipsam vacilla-
 re & cum imbecillitate caliginosâ labo-
 rare frequenter: (γ) accipi pro intelle-
 ctu, sed sibi relitto & extra ductum ac-
 dictamen Spiritus S. constituto; & tum
 porrò sub voce comprehenditur carnis,
 quæ adversatur Spiritui, quod conque-
 ritur Gentium Doct: Paulus in Epist.
 ad Galat Cap: 5. v.17. οὐ γὰρ σὰρξ ἐπιθυμεῖ
 καὶ τὸ πνεύματος i. e. caro enim concupiscit
 adversus Spiritum, & vice versa. Hoc ve-
 rò accepta modo, neque norma, aut
 Causa esse potest alicujus boni, nec ef-
 fectus habet indifferentes, sed sub obse-
 quiū fidei captivanda venit, utcunque
 obmurmuret.

§. VII.

SEcundum nunc tenetur æquâ judi-
 cii lance pensare nec non diluere ra-
 tiocinium; quod nobis oggerunt æn-
 tia mī àmādus petitum ex verbis Di-

vi Pauli ad Rom. 8. cap. v. 7. Φρέσνημα τῆς
 σαρκὸς ἔχθρα εἰς Θεόν, i. e. sapientia Carnis
 inimica est Deo; huic pro stabiliendo al-
 legare conantur, ejusdem Apostoli effa-
 tum ad Corinth: cap: 2, v. 14. Ψυχικὸς δὲ
 ἀνθρώπος ἡ δέχεται τὸ πνεύματος τὸ Θεῖον
 i. e. animalis homo non percipit ea quae Spi-
 ritus Dei. ut & ex Epistolâ ad Coloss: data,
 cap: 2, v. 8. Βλέπετε, μὴ τὰς ψυχὰς ἔστε οἱ
 συλλαγαγῶν διὰ τῆς φιλοσοφίας καὶ κενῆς
 ἀπάτης, κατὰ τὴν παράδοσιν τῶν ἀνθρώ-
 πων, καλέτε τοιχεῖα τὸ κόσμον, καὶ ἡ κατε-
 χεισθεῖσα: i.e. Videte, ne quis vos decipiatur sedu-
 cat per Philosophiam & inanem fallaciam, secundum
 traditionem hominum, secundum Elementa
 mundi & non secundum Christum. Quæ Seri-
 pture dicta assertione nostram appa-
 renter saltem impugnant; idcirco ge-
 nuinâ egent expositione quam cum B.
 Meissnero sic faciamus, attendendo, (N)
 vocem σαρκὸς Homonymiâ multiplici labo-
 rare, & Triplici potissimum modo in fa-
 cris acceptari (α) ιδίως pro corpore, al-
 terâ hominis parte, (β) συνεχδοκικῶς pro
 toto homine (γ) μεταφορικῶς pro cogi-
 ta-

tationibus carnalibus à naturâ prode-
 uitibus prout est corrupta, cui non tri-
 buitur esse principium T. M. prius de-
 claratum. Hinc liquet, Paulum nec pri-
 marum aut secundam intendere significa-
 tionem, verum procul dubio ultimam,
 quam in Epist: ad Rom: 1. i Corinth.
 1: per sapientiam Mundi exponit, ex hoc
 ductu, quod homines sibi satis sapientes
 videantur & de fide Apostolicâ, religione
Christienâ &c. humana ferre sustineant
 judicia. (2) Dictum verò Pauli ad Corin-
 th: 2. cap: quod attinet, facile percipi
 potest ex enucleatione prioris (3) Ter-
 tium denique effatum facile clarum eva-
 dit, modò adhibetur distinctio (a) inter
 acceptiōē T: M: *materiale* & *formale*.
 Quod autē est de materiali rei vel Termini, non
 debet in ejus formale inferri, seu prout apud
 hoc vel illud subiectum deprehendatur
 vitium eorumve abusus tive virtiosus
 usus, non tamen id de *Term:* in se & suā
 naturâ consideratis, est statuendum (β)
 inter ipsos formaliter consideratos, & vi-
 tiosam eorum applicationem, nam op-

timus rei maximum esse abusum, inquit Scheibl: Non autem vult Apostolus nos dehortari ab usu Philosophi: sed abuso, quod verba καὶ ἀπάτη innuunt: Opera ideoq; erit danda, ut tacite nos faciamus invitari, ad studium illud majori cum niſu amplectendum, ex loco allegato secundum mentem quorundam.

§. VIII.

EX dictis haud difficulter emergit, non minus Universales esse Hos in Circulo Philosophico, ut eas sileamus disciplinas, super quas Met: dominium tenet, leges praescribit, jura dat, quae transgredi ipsis non licet, nec ullus dubium super hac re in pectore fovet ac moveret, qui modo recte sapit: ac dicamus pauxillum de his quae ab eius non pendunt nutu directe, Jurisprudentia nempe, & Medicina. Quid autem commodi ex T: M: communissimis in se redundare persentiscant, non modo ingenuè fatebitur Is, qui hisce imbutus se iis mancipavit studiis, verum & ratio hoc

dicitat; *Cum omnes discipline socrorio quasi quodam vinculo conjuncte sint*; perhibente Cicerone; & una Matre Mineranda nata, ut Gentiles fingunt; nec non sua pesant principia, Medicina ex Physicâ, Jurisprudentia ex Ethicâ. Necesse ergo est, ut Terminos istos, pro ratione suæ indigentiae, in suam transferant officinam: Quod intendit & suo comprobat suffragio Doct: Calov: Quin, ait, & Terminis Communissimis atque axiomatis Generallissimis, nec Iusti quidem vel Medici abstinerre possunt, quorum tamen accurata cognitio, non nisi è Metaphysicis baberi potest.

§. IX.

Magnum adhæc paritura speramus momentum, verba, si pauca de barbaro horum faciamus sono, qui quibusdam fortassis stomachū movet; Propriis autē supersedere jubent non proletaria luper hisce Claritate & Eruditione maximè Conspicuorum Virorum judicia paßim obvia; quæ potissima hic allegare placet; Imprimis Doct: Brunneri in

in Epist: ad Quendam suâ, quod sic audit.
Difficultatem rerum sêpe *talium vocabulorum*
necessitatem nobis imponere, atq; adeo sêpe esse,
cum non ita curandū sit, *quid bene sonet*, *sed quid*
bene intimet atque indicet: hoc idem inten-
dit ante nominatus Scharff: dum inquit,
Multiformis rerum tractandarum varietas
hispidis interdum & Latii jure nondum pre-
batis vocabulis uti compellit Philosophos. alibi
Idem hunc in modum: Necessestas non ra-
*rò cogit Philosophos, ut noviter effingant vo-
cabula, vel vulgaria ad suas pædias elevent,
quibus res abstrusiores eloquuntur, Res enim
sunt quasi infinite. Proporrò non modo
in Philosophiâ, quod innuere testimonia;
sed & in Theologiâ desiderari ac exposci
*vocabula licet barbara, quibus expri-
*mantur animi senta, & ab adverlario-
*rum pervicaciâ vindicentur testatum**
fecit apud Doct: Brunner: Juvenis Illu-
strissimus, quem quidam oculares testes
tradunt fuisse, in cœlis jam beatum,
Benedictum Oxenstierna Comitem &
Senatorem Regium hisce verbis in Epist:
*eadem citatis. Quomodo in hac adversa-***

riorum fraude atque perverbiacâ hujusmodi
terminis & adminiculis carere possimus, si
quidem cordi sit veritatem contra argutissime
quasvis perpicuè defendere. Et Serupulos
eximere conscientius eorum præsertim, qui in-
geniosius Sacra dogmata Considerant. Non
tamen cuivis pro lubitu eos antiquare
licet, & alios magis fortassis latinos, mi-
nus ad rem significandam idoneos sur-
rogare; cum ingenii discentium ne-
gotium facesserent, & in illis, quos quo-
tidianus usus à barbarie dudum liberavit
ac reddidit familiares, Claritas commen-
dabilior sit, quam in aliis elegantia, ait iterum
Scharff:

§. X

NOs Musis aëdictos invitari denique
feramus, ad impensis invigilandum
Terminus hisce, ut sinistra nos fu-
giat Insignium Virorum judicia; quæ
quondam de impostoribus Horum tulè-
re, & innocua nobis evadant. Unde
Scharff: læpius memoratus, Si proinde vox
estis, inquit, nona, & haud ad gustum Orato-
rum; ledantur inde aures illorum, qnibus
omnia

omnia non nisi Ciceronianis lenociniis condita
 sordes putantur; tamen ut Scalig. apud ipsū
 hæc sunt verba, Mutuanda sunt quotidianæ
 voces ad usum abstrusarum intellectiōnum, que
 rudib⁹ inchoatisq; ingenuis acerbæ sunt delicatiæ
 atque Ciceronianis etiam ridiculæ. Nec non
 D. Brunneri in Epist. prius memoratā,
 Fastidiunt aliqui hanc Metaphysicen sed abs-
 que malitia; quia ipsi vīis eius non satis
 perspectam habent, & fidem nimis prompte
 adhibent sinistroius de illa judicantibus. Alii
 eam exagitant, quia literas bonas omnes,
 quas ipsi non didicerant, contemnunt. Quo
 spectat etiam tritum hoc; ars non habet
 usorem nisi ignorantem. Quod in quodam
 se comprobasse ait itidem D: Brunner.
 Erat qui false derideret illa Metaphysicorum
 de actu signato & Exercito, sed nondum qua-
 drans hora præterierat, cum ille ridere desit,
 laudare vero cepit compendium hoc verborum,
 intellecto eorum usu de cognoscendo peccato
 in Spiritum S. tantum explicari sibi cupiebat
 amplius, quomodo hic notiones mentis signa-
 ri & exerceri dicantur. Perplurima, qui-
 dem possunt, latis gnarus, haberi, Sva-

via, utilia, notatuvē digna super hac re
 multa, apud Eruditos, quos mihi om̄nes
 videre ac perlustrare non sivit immatu-
 rā ætas, non contigit ob teneras inge-
 nii vires; possent etiam si deprehendi
 multa; tamen his supersedere potius,
 quam adhibere, nulla evidente necessi-
 tate jubente, jubet studium brevitatis,
 cui semper litare est mens, modo id fie-
 ri queat & concinnè. Interim, LECTOR
 BENIGNE, dum de Hisce ago, egi,
 agamve, Te faventem experiri me fa-
 cias, non vero asperum lividumve, est
 quod obnixè obtestor, & festinanter ce-
 spitanti ignoscas, ac penes Te excula-
 tum reddas: quippe per facile est mor-
 tali in re tam arduâ, sublimi, subtili at-
 que spinofâ cespitare: Tibi autem, sum-
 mè Potens, REX REGUM, pro acumine
 mentis viribusque ingenii concessis sum-
 ma sit semper laus, grates, gloria in per-
 petuum: Summis Majores pro Trium-
 phis Trophæisque Nostro DAVIDI RE-
 GI Potentissimo, Pio atque Felici Con-
 cessis,

cessis, quem adhuc omogeno beare
 velis successu, ut MAGNUS, GLORIO-
 SUS, appareat Universo Orbi, evadat-
 què Tuâ manu, Tuo Robore, Tuâ
 ope; ab omnibus autem malis inacces-
 sus, fœdifragis tractis, pace pactâ, in
 Nostram redeat Patriam, ex deside-
 rio, in gremium suum recepturam,
 Calidissimis suspiriis, ac summis
 submissis obtendimus
 precibus.



